

Багъчудин эрдм

Каспийск района, Прикаспийск загъсна комбинатд 32 күүнәс бүрдсн би-дуугъин коллектив бәәнә. Эн коллектив загъсна комбинатин кӧдләчнрт болн Каспийск селәнә улст дару-дарунь нәр-наад үзүлнә.

Шидрхи эн коллектив С. Михайловин „Би герүрн хәр-хәр седжәнәв“ — гидг пьес үзүлв. Цугларсн улс ик ӧврдмж-тә кевәр гәәхдж энүг хәләцхәв.

Ӱр Добдушкаевин гардлгъ-та эн коллектив Северн сельсоветин „Красный моряк“ колхозд болн „Оленичевский“ совхозин кӧдлмшчнрт концер-т үзүлв.

Коллектив дунд сән дуулдг биилдг багъчудас Гаряева, Халгаева, Эрдни-Гаряев, Наминов болн нань чигн багъчуд йилгърнә.

С - Г. ГОШЕНДАНОВ.